


Bhaibheri re vana
Rinokupai



Samson,
munhu
waMwari
akasingba



Rakanyorwa na: Edward Hughes

Rakafanidzirwa na: Janie Forest; Alastair
Paterson

Rakatorwa na: Lyn Doerksen

Rakashandurwa na: Miriam Furusa

Rakabudiswa neve: Bible for Children
www.M1914.org

©2021 Bible for Children, Inc.

Mitero: Une mvumo yekutora nyaya iyi kana
usinganotengesi chete.




Kare kare munyika yeIsirairi
maigara murume ainzi
Manoah. Iye nemudzimai
wake vainge
vasina vana.



Rimwe zuva ngirozi yaMwari
yakauya kuna mai Manoaah.

"Muchava nemwana
akakosha,"
yakataura.



Mai Manoah vakataurira murume
wavo nhau dzinofadza idzi. Baba
Manoah vakanamata, "Oh Ishe wangu




... zviratidzei
kwatiri
zvakare.
Tidzidzisei
kuti
tichaita
sei nemwana
uyu."






Ngirozi yakataurira
vaManoh kuti mwana uyu
aisafanira kugerwa vhudzi
rake zvachose, aisafanira
kunwa doro uye pane
chimwe
chikafu
chaaisafanira
kudya
zvachose.






Mwari vakange
vasarudza mwana uyu
kuti azove mutongi
aizotungamira
Isirairi.





Vanhu vaMwari
vaida kubatsirwa
zvechokwadi. Vakanga vasiya Mwari
mukurarama kwavo, mhandu dzavo
maPhiristiya dzainge dzovadherera.






Asi pavakanamata Mwari akavanzwa.
Akavatumira mwana aizova murume
akasimba pasi rese.




Mai Manoah vakazvara mwanakomana
vakamuti Samson; mwana uyu akakura
Mwari vakamukomborera. Mweya

waMwari
wakatanga
kutenderera
paari.



Samson akava munhu akasimba
zvikuru. Rimwe zuva akarwa
nemwana weshumba nemaoko

ake asina
zvombo
akamuuraya.





Imwe

nguva Samson akazodya
huchi hwakabva panyuchi
dzakaitira huchi muchitunha
cheshumba yaakange auraya.





Samson
akazotaura

kanyaya kadiki:

"Chekudya chakabuda mune
chinodya uye chakasimba
chakaburitsa zvinotapira."





Hapana
munhu aigona kududzira
chirahwe ichi, asi mudzimai
mutsva waSamson muPhiristia
akaudza shamwari dzake, izvi
zvakatsamwisa Samson chaizvo.




Samson akatozonyanya kutsamwa
pakapiwa mudzimai wake kushamwari
yake yepedyo namaPhirisitiya.
Akafunga kutsiva. Aizozviita?



Chekutanga Samson akabata makava
mazana matatu. Akaasunganidza
miswe yawo ari mairi mairi
ndokuabatidza moto.




Samson akaregedzera makava aye
muminda yemaPhiristiya.



MaPhirisitiya akange odawo kutsiva.
Samson akatendera kuti abatwe
nemaPhirisitiya kuti vamusunge
vamuuraye.



Asi mweya waMwari
wakadzika pamusoro
paSamson. Akadambura
tambo dzaaiva akasungwa
nadzo. Akanhonga shaya
dzedhongi rakanga
richangofa akauraya
churu chevavengi
vake.



Varume vekuPhirisitiya vakatanga
kutvaga Samson. Rimwe zuva usiku
vakamuwhandira muguta

vakamuvhariramo.

Samson
akabuda

muguta akatakura

magedhi

eguta

pamafudze

ake.



Asi Samson akatadzira Mwari. Mwari
vaimupa simba kana aizovateerera.


Rimwe zuva Samson
akaudza chakavanzika
chesimba rake kuna
Delilah musori
wemuPhiristia
akaisvonaka
pachiso.




Akabva atuma mumwe murume kuti
agere vhudzi raSamson akarara.



Masoja
emaPhiristia
akabva arwisa
Samson mumba
yekurara
yaDelilah.




Samson akaedza
kurwisa zvine simba
asi simba rake
rakange raenda.
Vavengi vake
vakamutushura
maziso ake.






Ava bofu, asisisna
simba, vakamuita
nhapwa yavo.
Vakanyomba
nekuseka
muranda
waMwari.




MaPhiristiya
vakaita mutambo
vachipembedza
Dagon Mwari wavo
wehove vachiti
ainge avapa
Samson
mumaoko
avo.



Vainwa nekufara
vari mutembere
yaDagoni.
Vakatumira kuti
Samson auye
kuzovavaraidza.




Pane mukomana akauya na Samson
akamuzemberesa pamidhuri yaiva
yakasimbisa temberi.



Mukati maiva nevaPhirisitiya zviuru
zvitatu vamwe vaiva pamusoro
petembere nevakawanda vaiva


mukati
vese

vachimutsvinyira.



Asi vhudzi raSamson rakanga
ratanga kumera ari mujeri.

Akanamata akati, "Tenzi Mwari
wangu, ndipeiwo simba kamwechete
kuti nditsive
maziso angu
maviri."



Kuti Mwari vaizopa here Samson

simba rake zvakare?

Kuti Samson aizoita

here

zvisingagoneke?

HONGU!

HONGU!



Nesimba guru nekufemereka,
Samson akasairira
midhuri kwakadaro.

Temberi yaDagon
yakawondomoka
kuita marara

ikauraya

zviuru

zvema

Phiristia

naSamson wo.



Samson, munhu waMwari akasimba

Nyaya yeshoko raMwari, Bhaiberi

Inowanikwa muna

Judges 13-16

"Mazwi enyu anotipa kuchena."

Mapisarema 119:130



Magumo



Nyaya dze mu Bhaibheri dzinotiwudza
zvekushamisa kwaMwari Musiki wedu
uyo anoda kuti umuzive.

Mwari anoziva kuti tese takaita zvakaipa, izvo
zvaanoti zvitema. Mubairo wechitema ndirwo
rufu, asi Mwari anokuda kwazvo, akatuma mwana
wake, Jesu, kukufira pamuchinjikwa uye
akatambudziwa nemhaka yako. Jesu akafa
akumuka, akadzokera kumusha kudenga! Kana
uchitenda muna Jesu uye ukakumbira
kuregererwa anokuregerera zvitema zvako,
Anokuregerera! Achauya kuzogara mumoyo
mako. Achagara mauri. newe ugogara maari
mazuva namazuva.



Kana uchitenda kuti ichi
ichokwadi, taura kuna Mwari uchiti
Mudiwa Jesu, ndinotenda kuti ndimi Mwari, uye
makauya semunhu panyika kuzofira zvitema
zvangu, uye murikurarama. Huyai mumoyo
mangu mundiregere zvitema zvangu, kuti ndive
heupenyu hutsva, uye nerimwe zuva ndigogara
nemi nekusingaperi. Ndibatsirei kuti
ndikuteerereyi, ndirarame semwana wenyu.
Ameni.

Verengayi Bhaibheri nekutaura ne Mwari
mazuva ese. Johane 3:16

